



Synfocity = 1044

mail us at : mzsynfo@gmail.com; mizoramsynod@gmail.com - Phone - 2314648

July 30, 2026

- ❑ **Mizoram Christian College (MCC)-in zirlai tharte lawmna leh zirlai tiṭhate chawimawina hun an hmang**
Mizoram Christian College chuan July 24, 2026 (Zirtawpni) khan lut tharte lawmna leh zirlai tiṭhate chawimawina (Fresher's Social & Felicitation) hun an hmang.
He hun hi Dr. Lalbiakdiki leh Vanlalpeka ten an kaihruai a. Dr. Tawnenga, Principal-in lawmna thu sawiin, zirlai tharte chu MCC chhungkuaten an lo lawm thu a sawi a. MCC-in a tum ber chu kohhran, khawtlang leh ram tana mi ṭangkai, lekhathiam Pathian ṭih chher chhuah a nih avangin, chutiang mi nih chu tum tlat turin a fuih a, zirlai tiṭhate chawimawina Proficiency Award rawn thawhtu Dr. T. Lalmangaihi leh Pu Lallungmuana te hnenah lawmthu a sawi a, International Board of Books for Young Readers, 2026 dawngtu Dr. Hannah Lalhlani, Assistant Professor, MCC hnenah college aiawhin lawmpuina a hlan baw. Chief Guest, Rev. Dr. Rosiamliana Tochwang, Executive Secretary, i/c MCC chuan zirlai tiṭhate chawimawina hlanin thu a sawi nghal a. Principal leh zirtirtu taima tak takten an enkawl MCC-in result ṭha tak a nei thei chu lawmawm a tih thu a sawi a. Zirlaite hnenah chuan college ṭha taka an seilian thei chu an vanneihna hmu thiam turin a fuih a, thiamna tak tak nei tura hmasawn zel turin a fuih baw.
He hunah hian zirlaite aṭangin senior aiawhin C. Lalfakzuala - 5th Semester, Fresher aiawhin Lalhminghlui - 1st Semester, Naom Lalremruati - 3rd Semester, Organizing Committee aiawhin PC Lalngaihzuale ten thu an sawi a. Chuailo Cultural Club, Zorinpuia leh Guest Artist Lilac (Lalhriatrengi) ten hun an hmang baw.
- ❑ **KTP**
July 2-16, 2026 chhunga "I Love Taiwan Mission" Taiwan-a neihah Pu Nicholas Lalbiakzuala, Asst. Leader, Pu Lalruatpuia, Asst. Secretary leh committee member-te, T. Upa Laldinpuia, Pu Isak Lalhlankima, Tv. Malsawmsanga leh Nl. Lalnuntluangi Hahnar, Bawngkawn Branch leh Nl. Grace Lalrinpari Hauzel, Khatla Branch te an kal a. July 2-3, 2026 chhungin Lebanon Mission Centre, Taichung-ah inkhawm leh thupui zir honate neih a ni a, July 4-13, 2026 chhungin Kohhran hrang hrangah thlang darhin, anmahni pualin programme hrang hrang - inkhawm, summer camp, hmun pawimawh tlawhte anlo buatsaih a. July 14-16 chhungin Hsinchu Bible School, Hsinchu-ah Art Craft leh Cultural Exchange Programme-in hun tâwp khâr a ni.
- ❑ **Mizoram Christian College (MCC)**
Mizoram Christian College, Mizo Department-te chuan July 25, 2026 (Inrinni) khan an zirlaite Kut hnathawh inzirtirna hun atana hmangin Off Campus neiin mautuai an khawrh. Zirlaite classroom chiaha zirtirna pe lovin, a tak ngeia Mizote hnathawh ṭhin ṭhenkhat kum tinin an neihpui ṭhin a, kuminah pawh chutiang atan chuan mautuai khawrhin hun an hmang a ni.
- ❑ **Campus Ministry**
 - ♦ July 23 - 24 July, 2026 chhung khan Aibawk Presbyterian English School-ah rawngbawlina neiin Rev. Johny Lalremfela, Director, Tv. Lalrinchhana, Counselor bakah Resource Person-te, Pu C. John Saiparlana leh Tv. Kevin Lalhriatpuia te an kal.
 - ♦ July 24, 2026 (Zirtawpni) khan Govt. Chanmari Model Middle School-ah Chhandamna, Drug Awareness leh Identity chungchang rawngbawlina neiin Tv. Lalrinchhana, Counselor bakah Resource Person te, Rev. Dr. Lalnunmawia leh Tv. Lalrindika te an kal.
- ❑ **Prison Ministry**
July 25-26, 2026 chhung khan Saitualah District Synod Prison Ministry Sub Committee din leh Awareness Campaign neiin Rev. Dr. Rosiamliana Tochwang, Executive Secretary i/c Prison, Rev. Lalhleia, Director leh committee member-te, Rev. Lallianmawia Pachuau, Rev. Benny Lalmawia, Rev. TC Laltanzova leh Upa Chawngsailova te an kal.
- ❑ **Presbyterian English School (PES)**
July 29, 2026 (Nilaini) khan Sialsuk PES Silver Jubilee lawmna hmanpuin Rev. Dr. Rosiamliana Tochwang, Executive Secretary i/c PES leh Nl. Lawmsangzuali, OA te an kal.

Contd...

❑ **Social Front**

August 1, 2026 (Inrinni) hian Aibawk Bialah Ruihhlo chungchang inzirtirna Awareness Campaign nei turin campaigner-te, Upa Dr. J. Malsawma, Upa H. Lalnginglova leh Pu Alan Lalmuanpuia te an kal ang.

❑ **Harhna Inkhawmpui**

July 31 - Aug. 2, 2026 chhung hian Chaltlang Kohhran Biak Inah Harhna Inkhawmpui Vawi 12-na neih a ni dawn a, thupui chu 'Kraws Thu' (Galatia 6:14) a ni ang. Inkhawmpuih hian Rev. John Raldosanga, Moderator, Rev. Dr. V.L. Luaia Hranleh, Senior Executive Secretary leh Synod Revival Speaker hrang hrangten thupui an insawi chhawk dawn a ni.

Synod Information & Publicity (Synfo) chuan Hruaina Eng TV leh Mizoram Synod YouTube channel-ah LIVE-in a pe chhuak dawn a ni.

❑ **Sunna - Rev. J. Vanlalhnuna, Kum 69**

Rev. J. Vanlalhnuna hi February 2, 1957 khan Vanzau Mël Vêngah a lo piang a, an unau hi mipa pali leh hmeichhe pathum an ni a. September 17, 1988 khan Lamka Presbyterian Kohhran Biak Inah Lalparmauii nën aninei a, fa pathum an nei.

Vanzau khuah seilianin Pâwl VIII thlang Vanzau-ah lehkha a zir a, Pâwl IX & X hi Chhiahtlang High School-ah a zir chhuak a ni.

Kum 1979-ah Missionary hna thawk turin a chhuak a, October 1979 atanga June 1983 chhûngin Khanthum-ah missionary hna a thawk a. Missionary-a a thawh lai hian Pathian thu zir chakna neiin, June 1983 - 1987 chhungin Aizawl Theological College (Mission Vengthlangah) B. Th. A zir a. Pathian thu a zir zawh kum 1988-ah Manipur-ah missionary-in a kal leh a ni.

Kum 1988 Synod-in Pro. Pastor atan a la a, 1989-1991 thlang Zohmun Bialah Pro. Pastor hna thawkin a awm a. Pro. Pastor-a a tan chhûng hian B.D. tha takin a zir zo leh a ni. Pastor hna a thawh chhung hian hmun hrang hrang - Tlabung Bial, Hnahthial Bial, Hliappui Bial, Aizawl Civil Hospital Chaplain, Chaltlang Bial, Counsellor, FG&CC-ah te a lo awm tawh a ni. Tin, Synod Committee peng hrang hrangah te pawh a lo awm tawh a, Presbytery Moderator nihna te pawh alo chelh tawh a ni. Pastor rawngbawl hna a chelh chhung hian Baptisma mi 1875 a chantir a, nupa tuak 301 a inneihtir baw.

Kumin 2026 April thla khan Synod Hospital, Durtlangah Full Body check-up neiin riakin a in-admit a, June thla tir lam atang khan a awm bâwrah na a neih thin thu a sawi a. Doctor hrang hrangte râwn an nih hnuin a chuap a chak lo tih hmuh chhuah a ni a. July thla tir lam khan Synod Hospital-ah a in check up a, a thisen te an test a, hetah hian a allergy a sang hle tih hmuh chhuah a ni a. In lama enkawl a nih hnuah a thawhah a reh hleih theih loh avang leh a hnungzang na a sawisel tak reng avangin July 21, 2026 (Thawhlehi) khan Synod Hospital inentir leh a ni a. A thisen test atangin Heart Attack leh Thisen Cancer (Leukemia) a nei tih hriat a ni a. Ebenezer Hospital-ah refer a ni a. July 22, 2026 (Nilaini) khan Ebenezer Hospital-ah hian Leukemia AML a ni tih hmuh nawn leh a ni a, ICCU-ah dah nghal a ni. Amah a harh tha a, hma pawh sawn ve hret hret tura beisei a nih laiin July 23, 2026 chawhnu lam atang khan a zual a, Ventilator-te nena enkawl a ni a, theihtawpa a nun chhan an tum chungin hemi zan dar 8:50 khan a rawng a bawlsak Lalpa hnenah a chawl ta a ni.

July 24, 2026 (Zirtawpni) chawhnu dar 1:00 khan Bawngkawn Kohhran Biak Inah Synod Moderator Rev. John Raldosanga'n a vui a ni. *(for more information - www.mizoramynod.org)*

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawl na pek a ni.

S.No	Khua/Veng	Pek chhan	Chhungkaw	zat	Pek zat
1.	Phullen Vengthar	Damlo	1	₹	10,000/-
2.	Zawngin	Damlo	1	₹	10,000/-
3.	Tuidam	Damlo	1	₹	10,000/-
				Belh khawm	₹ 30,000/-

❑ **FM Zoawi - Aizawl & Lunglei : Hruaina Eng Radio Programme**

July 31, 2026 (Zirtawpni) @ 7:30 p.m. :

Solo : Vanlalmalsawmi - Tawngtaina, **Zaipawl :** Chawnpui Bial Zaipawl - Lalpa a tha si, **Thusawi :** Rev. Lalnunmawia Pachau - Ringtu nun rinawmna, **Solo :** Zoramchhani - Hlim leh lawmin ka chawimawi che, **Zaipawl :** Khawzawl Vengthar Bial Zaipawl - Lal Isua ka nei

- ❑ **Hruaina Eng TV Programme**
30.7.2026 (Ningani) 08:30 pm : Thupui zir bing
31.7.2026 (Zirtawpni) 05:00 pm : Kristian Naupang Pual
01.8.2026 (Inrinni) 05:30 pm : Puitling Sunday School Zirlai
02.8.2026 (Pathianni) 07:00 am : Sermon - Rev. T. Chawikunga, Thenzawl
04.8.2026 (Thawhlehi) 06:00 pm : Nilai zan thupui
 08:30 pm : Kohhran Chanchin - Tuikual North Kohhran

❑ **Moderator leh Executive Secretary-te Programme :**

Rev. John Raldosanga, Moderator Programme:

July 31 - Aug. 2, 2026 Harhna Inkhawmpui
 Aug. 3, 2026 Hospital BEC
 Aug. 5, 2026 Keifang Police Veng Kohhran (Zan)
 Aug. 8, 2026 New Diakkawn Kohhran Golden Julibee lawmna hmanpui
 Aug. 9, 2026 Tumpui Bial

Rev. Dr. V.L. Luaia Hranleh, Senior Executive Secretary Programme:

July 31, 2026 Harhna Inkhawmpui
 Aug. 1-9, 2026 Bangkok - CWM Programme

Rev. Dr. K. Lallawmzuala, Executive Secretary Programme:

July 31, 2026 Central Kohhran Hmeichhe Committee
 Aug. 3, 2026 Hospital BEC
 Aug. 4, 2026 Campus Ministry Committee
 Aug. 7-8, 2026 N. Vanlaiphai - Kohhran Hmeichhe programme

Rev. Dr. Rosiamliana Tohhawng, Executive Secretary Programme:

July 31, 2026 Home Mission North Committee
 Aug. 2, 2026 Venghnuai Kohhran (Chawhnu leh Zan)
 Aug. 3-12, 2026 Field Committee - Jharkhand, Patna, Lucknow leh Kolkatta

HARHNA INKHAWMPUI, Vawi 12-na

A hmun : Chaltlang Kohhran

A hun : 31 July - 2 August 2026

Thupui : Kraws thu (Gal. 6:14)

31.7.2026 (Zirtawpni) Dar 7:00 PM

Pathian Biak Inkhawm

Chairman : Rev. C. Zoramawia, Committee Member
 Thuhrlitu : Rev. Dr. V.L. Luaia Hranleh, Sr. E/S
 Zaipawl : Mizoram Synod Choir
 Armed Veng South KPP, Chawnpui KPP

1.8.2026 (Inrinni) Dar 10:30 AM

Pathian Biak Inkhawm

Chairman : Upa Lalpeklia, Committee Member
 Thuhrlitu : Upa C. Ramtharngaka, Jehova Jire
 Zaipawl : Tuithiang KPP, Durtlang Venghlun KPP
 Khatla South KPP

1.8.2026 (Inrinni) Dar 1:30 PM

Pathian Biak Inkhawm

Chairman : Rev. F. Lalrinnunga, Committee Member
 Thuhrlitu : Upa Laltnamawia, Chanchin Tha Puangtu
 Zaipawl : Bawngkawn Shalom Kohhran Zaipawl
 Bungkawn KPP, Ramhlun North KPP

Inkhawm ban Lengkhawm

Hruaitu : Pu Lalmangaihsanga, Sinners Friend

1.8.2026 (Inrinni) Dar 7:00 PM

Pathian Biak Inkhawm

Chairman : Rev. R. Lalrosiana, Committee Member
 Thuhrlitu : Pu Lalhlengkima Pachuau, Doulos Revival
 Zaipawl : Airfield Vengthar Pastor Bial Zaipawl
 Chanmari West KPP, Lungdai KPP

Inkhawm ban Lengkhawm

Hruaitu : Upa Lallianpuia, Saltangte Thian

2.8.2026 (Pathianni) Dar 10:30 PM

Pathian Biak Inkhawm

Chairman : Rev. B. Zohmangaiha, Synod Secy (Sr)
 Thuhrlitu : Upa K. Lalawmpuia, Grace Revival
 Zaipawl : Synod Mission Choir
 Bungkawn High School Veng KPP
 Tlangnuam West KPP

2.8.2026 (Pathianni) Dar 1:30 PM

Pathian Biak Inkhawm

Chairman : Upa Lalhupliana Ralte, Committee Member
 Thuhrlitu : Upa Jerry Laltnpuia, Krista remna Palai
 Zaipawl : Falkland East Kohhran Zaipawl
 Tanhril KPP Sihphir KPP

Inkhawm ban Lengkhawm

Hruaitu : T. Upa C. Lalmingsanga, Krista Chhuangtute

2.8.2026 (Pathianni) Dar 7:00 PM

Pathian Biak Inkhawm

Chairman : Rev. PB Mankima, Chaltlang Pastor Bial
 Thuhrlitu : Rev. John Raldosanga, Synod Moderator
 Zaipawl : Synod Choir, Chaltlang Kohhran Zaipawl
 Upper Republic KPP

Inkhawm ban Lengkhawm

Hruaitu : Tv. Jacob Rosangliana, Bethel Revival

